



31

S. VIII. 31.







1720

&
10

DECRETUM PARISIEN:

Beatificationis, & Canonizationis

VENERABILIS SERVI DEI

VINCENTII

à PAULO,

Congregationis Missionis, nec-non Puellarum,

de Charitate nuncupatarum

INSTITUTORIS.



Oram Sanctissimo D. N. BENE-
DICTO XIII. die 16. Septembris
currentis Anni 1727. habita fuit Con-
gregatio Generalis Sacrorum Rituum,
in qua per Reveren; D. Cardinalem
de Polignac Ponentem, seu Relato-
rem proposita causa Beatificationis,
& Canonizationis Ven: Servi DEI VINCENTII à Pau-
lo, Congregationis Missionis, nec-non Puellarum de
Cha-

Charitate nuncupatarum Institutoris super dubio: *An
constet de Virtutibus tum Cardinalibus ipsius Ven: Servi
DEI in casu, & ad effectum, de quo agitur.* Cum
super eo idem Sanctissimus D. N. auditis Votis DD.
Consultorum & Reverendissimorum DD. Cardinalium
resolutionem tunc differre censuit, ut prius in tam
gravi deliberatione Cæleste de more auxilium implo-
raret; tandem infra scripta die super proposito du-
bio publicari mandavit Responsum Affirmativum, vide-
licet: *Constare de virtutibus Ven: Servi DEI VIN-
CENTII à Paulo tam Theologalibus, nempe Fide, Spe,
& Charitate, quàm Cardinalibus, Prudentiâ, Iustitiâ,
Fortitudine, & Temperantiâ, earumq; annexis in gradu
Heroico, in casu, & ad effectum, de quo agitur.* Et
ita &c. Hac die 22. Septembris 1727.

N. Cardinalis Coscia
ProPræfectus.

Locus ✠ Sigilli.

N. M. Thedescbi Archiep. Apamensis,
S. Rit. Congreg. Secr.

DE

DECRETUM PARISIEN.

Beatificationis, & Canonizationis

VENERABILIS SERVI DEI

VINCENTII

à PAULO,

*Congregationis Missionis, & Puellarum
Charitatis.*

FUNDATORIS.



Die 12. currentis Mensis Iulij, Anni 1729.
coram Sanctissimo Domino Nostro BE-
NEDICTO XIII. habita fuit Con-
gregatio Generalis Sac. Rituum, in
eaquē per Reverendissimum Dominum
Cardinalem de Polignac Ponentem, seu
Relatorem Proposita Causa Parisien. Beatificationis, &
Canonizationis Ven: Servi Dei VINCENTII à PAVLO
Congregationis Missionis, & Puellarum Charitatis Fun-
datoris super dubio -- *An. & de quibus Miraculis con-
stet in casu, & ad effectum &c.* Sanctitas sua auditis
cum

tum DD. Consultorum, tum Reverendissimorum Dominorum Cardinalium Suffragijs, nihil tunc decernere censuit, sed resolutionem differre voluit, ut prius de more Divinam opem imploraret. Cum autem id jam egisset, infra scripta die Divo Bonaventurae Ecclesiae Doctori Sacra, post Missam in Capella S. Pij V. celebratam, super proposito dubio sequens Responsum edidit, Videlicet constare de Miraculis, Primo *Subita Sanationis Claudij Iosephi Compoin à Cæcitate*. Secundo, *Instantanea Largitionis loquelæ, & Virium Mariæ Anna Lhullier Puellæ octenni à Nativitate Mutæ, & ad motum Artuum inferiorum impotenti*. Quinto *Instantanea Sanationis Sororis Maturinæ Guerin ab inveterato, & maligno Ulcere in Tibia*. Et Octavo *Subita Sanationis Alexandri Philippi Le-Grand ab inveterata, & contumaci Paralyti* tamquam Miraculis tertij generis. Præsentq; Beatificationis Ven: Servi Dei VINCENTII à PAVLO per literas Apostolicas in forma Brevis cum consuetis Indultis quandocunq; faciendæ Decretum expediri, & publicari mandavit. Die xiv. ejusdem Mensis Iulij 1729.

N. Gard. Coscia.

Loco ✕ Sigilli.

N. M. Tedeschi Archiepiscopus
Apamensis Sac. Rit. Cong. Sec.

BE.

BEATIFICATIO

SERVI DEI

VINCENTII

à PAULO,

*Congregationis Missionis, & Puellarum
Charitatis.*

FUNDATORIS.

BENEDICTUS PP. XIII.

Ad perpetuam rei memoriam.



Vltus, ac misericors Dominus peculiarium quorundam Servorum, atq; Electorum suorum, quos à constitutione mundi in opus suum prædestinatos multiformis gratiæ suæ charismatibus instruxit, Sanctitatem interdum signis, atq; portentis testatam facit in terris, ut illis, quos perennis gloriæ coronâ donat in Cælis, debitæ quoq; venerari.

rationis cultus à Fidelibus impendatur. Inter quos, cùm longè, latèque refulserit Servus Dei VINCENTIVS à PAVLO Sacerdos Gallus, Congregationis Presbyterorum Sæcularium Missionis, & Societatis Puellarum Charitatis nuncupatarum Fundator, qui mirabili in DEVM, ac Proximum charitate (dilatante cor ejus Spiritu Sancto) succensus, veræq; pietatis operibus, & præsertim Animarum lucro jugiter intentus, pauperes Rurícolas, quos ut plurimùm in ignorantia tenebris miserè jacere dolebat, erudiendi. Fideiq; Catholicæ mysteria, & præcepta, ac viam salutis edocendi voto se, & Presbyteros dictæ Congregationis obstrinxit, necnon Clero ritè instituendò in primis addixit, aliarumq; omnium virtutum præsidio, & robore accinctus ex alto, toto peregrinationis, ac conversationis suæ tempore fidelem se Ministrum, strenuumq;, ac indefessum vineæ Domini cultorem, & Operarium exhibuit, atq; Ecclesiam universam nedùm suavissimo spiritualium aromatum odore implevit, sed etiam uberrimorum fructuum fecunditate locupletavit, plenusq; dierum, ac meritorum, dilectus DEO, & hominibus, mortalis hujus vitæ cursum feliciter consummavit; Apostolici muneris, quod nos gerere voluit Altissimus, ratio exigit, ut tam splendidam lucernam diutiùs sub modio latere non sinamus, sed super candelabrum ministerio nostro collocetur, ut luceat omnibus, qui in Domo sunt, ad Omnipotentis DEI gloriam, Catholicæ Ecclesiæ decus, Christianiq; populi consolationem, ac Spiritualem ædificationem. Cùm

itaq;


itaq; maturè, diligenterq; discussis, atq; perpensis per
Congregationem Venerabilium Fratrum Nostorum S.
R. E. Cardinalum Sacris Ritibus Præpositorum Proces-
sibus de Apostolicæ Sedis licentiâ confectis super vitæ
Sanctitate, & virtutibus heroicis, quibus idem Servus
DEI VINCENTIVS à PAVLO multipliciter clariisse,
necnon Miraculis, quæ ad ejus intercessionem, & ad
manifestandam hominibus illius Sanctitatem à DEO pa-
trata fuisse asseriebantur; ipsa Congregatio Cardinalium
coram Nobis constituta, auditis etiam Consultorum
suffragijs, uno spiritu, unâq; voce censuerit, posse,
quandocunq; Nobis videretur, prædictum Servum DEI
Beatum declarari cum solitis Indultis. Hinc est, quod
Nos pijs, atq; enixis Charissimi in Christo Filij Nostri
Ludovici Francorum Regis Christianissimi, ac Charissi-
mæ in Christo Filiæ Nostre Mariæ eorundem Franco-
rum Regina Christianissimæ ejus Conjugis, pluriumq;
aliorum sublimium Catholicorum Principum, necnon
Venerabilium Fratrum Archiepiscoporum, & Episcopo-
rum, ac Dilectorum Filiorum Cleri Regni Galliarum,
totiusq; insuper dictæ Congregationis Presbyterorum
Sæcularium Missionis supplicationibus Nobis, & huic
Sanctæ Sedi super hoc humiliter porrectis benignè in-
clinati, de memoratorum Cardinalium consilio, & assen-
su, auctoritate Apostolicâ tenore præsentium indulgemus,
ut idem Servus Dei VINCENTIVS à PAVLO in po-
sterum Beati nomine nuncupetur ejusq; Corpus, & Re-
liquiæ venerationi Fidelium (non tamen in Processio-
bus

bus circumferenda) exponantur; Imagines quoq; radijs, seu splendoribus exornentur, ac de eo quotannis die Anniversaria felicitis ejus obitus recitetur Officium, & Missa celebretur de Confessore non Pontifice juxta Rubricas Breviarii, & Missalis Romani. Porro recitationem Officij, ac Missæ celebrationem hujusmodi fieri concedimus in locis duntaxat infra scriptis, videlicet: in Pago de Podio, vulgò Poy, Aquen, Provinciæ Auxitan., ubi dictus Dei Servus natus est, in Castro de Clichy Parisien, & in Oppido de Chatillon juxta Principatum Dombarum Lugdunen. respectivè Diæcesum, in quibus curam Animarum obivit, ac in Civitate Parisien., unde ad Cælos evolavit, & ubi Venerabile ejus Corpus requiescit, ab omnibus utriusq; sexus Christianis tam Sæcularibus, quàm Regularibus, qui ad Horas Canonicas tenentur, ac in universa Congregatione Missionis præfata, tam quoad Clericos, & Presbyteros ejusdem Congregationis, quàm quo ad Convictos, & Alumnos, qui in illius Domibus commorantur; demùm in singulis Ecclesijs, sive Capellis, vel Oratorijs prædictæ Societatis Puellarum, quam ipse Servus Dei sub nomine Charitatis instituit, pro Sacerdotibus Ecclesiarum, sive Capellarum, vel Oratoriorum istiusmodi servitio addictis; & quantum ad Missas attinet, etiam ab omnibus Presbyteris ad Ecclesias, in quibus Festum peragetur, confluentibus. Præterea primo duntaxat anno à datis hisce literis, & quoad Indias à die, quo eadem literæ illuc pervenerint inchoando, in Ecclesijs

Pagi, Castri, Oppidi, Civitatis, Congregationis, ac Societatis hujusmodi Solemnia Beatificationis ipsius Servi DEI cum Officio, & Missa sub ritu duplici majori, die ab Ordinarijs respectivè constituta, postquam tamen in Basilica Principis Apostolorum de Vrbe celebrata fuerint eadem Solemnia (pro qua re diem xxi. currentis Mensis Augusti assignamus) pariter celebrandi facimus potestatem. Non obstantibus Constitutionibus & Ordinationibus Apostolicis, ac Decretis de non Cultu editis, cæterisq; contrarijs quibuscunque. Volumus autem, ut præsentium literarum transumptis, seu exemplis etiam impressis, manu Secretarij supradictæ Congregationis Cardinalium subscriptis, & Sigillo Præfecti, seu Propræfecti ejusdem Congregationis munitis eadem, prorsus fides ab omnibus, & ubique tam in judicio, quàm extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die xiii. Augusti MDCCXXIX. Pontificatus Nostri Anno sexto.

Fr. Card. Oliverius.



B

ORA

O R A T I O
Approbata à Sanctissimo D. N. Domino
B E N E D I C T O X I I I .
I N H O N O R E M
B E A T I V I N C E N T I J
à P A V L O
Recitanda in Officio & Missa.

O R E M U S .

DEUS, qui ad evangelizandum Pauperibus,
Derelictorum, Infirmorumquè misérias sub-
levandas, & Ecclesiastici Ordinis decorem promo-
vendum, Filij tui Spiritum in Apostolica Beati
VINCENTIJ à PAULO, Charitate, & Humilita-
te suscitasti, ejus nobis intercessione concede; ut
à peccatorum miserijs sublevati, eadem tibi sem-
per Charitate, & Humilitate placeamus. Per e-
undem &c. in unitate ejusdem &c.

INSTRUMENTUM PUBLICUM
ACTORUM

In SOLEMNIIS BEATIFICATIONIS

B. VINCENTIJ

à PAULO,

*Congregationis Missionis, & Puellarum
Charitatis,*

FUNDATORIS,

*In Sacrosancta Sancti Petri Basilica celebratis
die 21. Augusti 1729.*




N Nomine Domini Amen. Anno
ab ejusdem Domini Nostri IESV
Christi salutiferâ Nativitate, mil-
lesimo septingentesimo vigesimo
nono, Indictione septimâ, die ve-
rò vigesimâ primâ mensis Augusti,
Pontificatûs autem Sanctissimi in
eodem Christo Patris, & Domini
Nostri D. BENEDICTI Divinâ Pro-
videntiâ Papæ Decimitertij, Anno sexto. Cùm in Cau-
sa Parisien. Beatificationis, & Canonizationis Venerabilis

Servi Dei VINCENTII à PAVLO, Congregationis
Missionis, & Puellarum Charitatis Fundatoris, per San-
ctissimum Dominum Nostrum BENEDICTVM Papam
Decimumtertium feliciter regnantem, fuerint sub die
vigesima quarta Septembris, millesimo septingentesimo
vigesimo septimo, praviâ tamen Congregatione Gene-
rali Sacrorum Rituum coram Sanctitate Sua habita, die
decimâ sextâ ejusdem mensis Septembris approbatæ vir-
tutes, tam Theologales, quàm Cardinales in gradu he-
roico, prout fusiùs videre est in Decreto desuper edi-
to, & publicato, mihiq; Notario infrascripto tradito
præsentibus inferendo tenoris sequentis videlicet -- Pa-
risien. Beatificationis, & Canonizationis Venerabilis
Servi Dei VINCENTII à PAVLO Congregationis Mis-
sionis, nec-non Puellarum de Charitate nuncupatarum
Institutoris. Coram Sanctissimo Domino Nostro B E-
NEDICTO Decimotertio, die decimâ sextâ Septembris
currentis anni millesimi septingentesimi vigesimi septi-
mi, habita fuit Congregatio Generalis Sacrorum Ritu-
um, in qua per Reverendissimum Dominum Cardina-
lem de Polignac Ponentem, seu Relatorem propositâ
Beatificationis, & Canonizationis Venerabilis Servi Dei
VINCENTII à PAVLO, Congregationis Missionis, nec-
non Puellarum de Charitate nuncupatarum Institutoris
super Dubio -- *An constet de virtutibus tum Theologicali-
bus, tum Cardinalibus ipsius Venerabilis Servi DEI in
casu, & ad effectum de quo agitur.* -- Cùm super eo
idem Sanctissimus Dominus Noster auditis votis Domi-
norum

norum Consultorum, & Reverendissimorum Dominorum
Cardinalium, resolutionem tunc differre censuisset, ut
prius in tam gravi deliberatione Cæleste de more auxi-
lium imploraret; tandem infra scriptâ die super propo-
sito Dubio publicari mandavit Responsum affirmativum
videlicet -- *Conflare de virtutibus Venerabilis Servi Dei*
Vincentij à Paulo, tam Theologalibus, nempe de Fide, Spe,
& Charitate, quàm Cardinalibus, Prudentia, Iustitia, For-
titudine, & Temperantia -- earumq; annexis in gradu
heroico, in casu, & ad effectum de quo agitur: & ita
&c. Hac die vigesimâ secundâ Septembris, millesimo
septingentesimo vigesimo septimo -- Nicolaus Cardi-
nalis Coscia -- Loco ✠ Sigilli. N. M. Tedeschi Archi-
episcopus Apamenus Sacrorum Rituum Congregationis
Secretarius -- Et rursus in eadem Sacrorum Rituum
Generali Congregatione coram prælibato Sanctissimo Do-
mino Nostro Papa habitâ die duodecimâ Iulij proximè
præteriti per Eminentissimum, & Reverendissimum Do-
minum Cardinalem de Polignac Ponentem, seu Relato-
rem propositum fuerit Dubium -- *An, & de quibus Mira-*
culis constet in casu, & ad effectum &c. -- Idemq;
Summus Pontifex, auditis prius Reverendissimorum Con-
sultorum, ac Eminentissimorum, & Reverendissimorum
Dominorum dictæ Sacræ Congregationis Cardinalium
suffragijs, & in re tam gravi resolutionem differens, Di-
viniq; luminis prius implorato præsidio, super proposito
Dubio sub die decimâ quartâ ejusdem mensis Divo Bo-
naventuræ Ecclesiæ Doctori Sacra, quatuor Miracula,

tanquàm tertij generis approbaverit, ejusdemq; Servi
DEI Beatificationis per Literas Apostolicas in forma Bre-
vis quodcumq; faciendæ Decretum expediri, & pu-
blicari mandaverit, prout latiùs ex hujusmodi Decreto
Typis impresso, & publicato, mihiq; Notario pariter
tradito ad effectum inferendi tenoris sequentis videli-
cet -- Decretum -- Parisien. Beatificationis, & Canoni-
zationis Venerabilis Servi DEI VINCENTII à PAVLO
Congregationis Missionis, & Puellarum Charitatis Fun-
datoris. Die duodecima currentis mensis Julij, Anni
millesimi septingentesimi vigesimi noni coram Sanctis-
simo Domino Nostro BENEDICTO Decimotertio ha-
bita fuit Congregatio Generalis Sacrorum Rituum, in
eaq; per Reverendissimum Dominum Cardinalem de Po-
lignac Ponentem, seu Relatorem propositâ Causâ Pa-
risien. Beatificationis, & Canonizationis Venerabilis Ser-
vi DEI VINCENTII à PAVLO Congregationis Missio-
nis, & Puellarum Charitatis Fundatoris super Dubio --
*An, & de quibus Miraculis constet in casu, & ad effe-
ctum &c.* -- Sanctitas Sua, auditis tùm Dominorum
Consultorum, tùm Reverendissimorum Dominorum Car-
dinalium suffragijs, nihil tunc decernere censuit, sed
resolutionem differre voluit, ut priùs de more Divinam
opem imploraret. Cùm autem id jam egisset, infra-
scriptâ die Divo Bonaventuræ Ecclesiæ Doctori Sacra,
post Missam in Capella Sancti Pij V. celebratam, super
proposito Dubio sequens responsum edidit, videlicet --
Constare de Miraculis -- Primò: Subitæ sanationis Claudij

Iose-

Iosephi Compoin à cæcitate; Secundò: Instantaneæ largitionis loquelæ, & virium Mariæ Annæ Lhullier Puellæ octenni à nativitate mutæ, & ad motum artuum inferiorum impotenti. Quintò: Instantaneæ sanationis Sororis Maturinæ Gverin ab inveterato, & maligno ulcere in Tibia; Et Octavò: subitæ sanationis Alexandri Philippi Le-Grand ab inveterata, & contumaci Paralyfi, tanquàm Miraculis tertij generis. Præsensq; Beatificationis Venerabilis Servi Dei VINCENTII à PAVLO per Literas Apostolicas in forma Brevis cum confvetis Indultis quandocumq; faciendæ Decretum expediri, & publicari mandavit. Die decimâ quartâ ejusdem mensis Iulij, millesimo septingentesimo vigesimo nono -- Nicolaus Cardinalis Coscia -- Loco  Sigilli -- N. M. Tedeschi Archiepiscopus Apamenus Sacræ Rituum Congregationis Secretarius --- Pro majori autem supradicti promulgati Decreti robore, & firmitate, idem Sanctissimus pijs, enixisq; Serenissimi Ludovici Francorum Regis Christianissimi, & Serenissimæ Mariæ eorundem Francorum Regina Christianissimæ ejus Conjugis, aliorumq; plurium sublimium Catholicorum Principum, necnon Reverendissimorum Archiepiscoporum, Episcoporum, & universi Cleri Regni Galliarum, totiusq; Congregationis prædictæ, Presbyterorum Sæcularium Missionis supplicationibus inclinatus per Literas Apostolicas indulserit, ut idem Venerabilis DEI Servus VINCENTIUS à PAVLO in posterum Beati nomine nuncupetur, ejusq; Corpus & Reliquiæ venerationi Fideli-

delium (non tamen in Processionibus circumferenda) exponantur. Imagines quoq; Radijs, seu Splendoribus exornentur, & de eo quotannis die anniversaria felicitis ejus obitus recitetur Officium, & Missa celebretur de Confessore non Pontifice, juxta Rubricas Breviarii, & Missalis Romani, certis tamen in locis modisq;, & formis speciatim, & restrictivè expressis, postquam tamen in Basilica Principis Apostolorum Urbis solemnia Beatificationis ejusdem Servi DEI fuerint celebrata, & prout latius habetur, & continetur in literis Apostolicis in forma Brevis, ut moris est, expeditis, datis Romæ apud Sanctum Petrum sub Annulo Piscatoris die decimatertiâ currentis mensis, ad quas relatio habeatur Cumq; omnia pro solemnibus hujusmodi Beatificationis adimplendis, diligenti curâ Admodum Reverendi Domini Gvillelmi Viellescasses Caulæ Postulatoris in Sacrosancta Vaticana Basilica parata essent, ad cujus instantiam, ego Notarius requisitus ad dictam Sacrosanctam Basilicam accesserim; ideò Solemnia, quæ pro dicta Beatificatione ibidem habita fuere, aliaquè, ut infra adnotavi. In exteriori Maximi, & Augustissimi Templi facie, & suprâ ejusdem Ianuas, nempè suprâ mediam in eminentiori loco affixa extabat Effigies depicta Servi DEI in Cælum tendentis, & subtus dictam Effigiem à parte dextera aderant Insignia Summi Pontificis, ab altera verò parte Insignia Serenissimi Francorum Regis Christianissimi. Suprà binas laterales Ianuas mediæ contiguas, Stemma Sacrosanctæ Vaticanæ Basili-

Basilicæ à parte dextra, & à parte sinistra Stemma dictæ Venerabilis Congregationis Missionis; suprâ quoque mediam interiorem Ianuam ejusdem Augustissimi Templi, per quam à Porticu in illud aditus patet, depicta apparebat Effigies ejusdem Servi DEI multorum Langventium, & Invalidorum ad eum confugientium historiam exprimens cum hac subjecta Inscriptione -- *Curavit multos, qui vexabantur varijs languoribus. Marci primo v. trigesimo quarto;* Augustissima verò intrinsecus Basilica holoserico damasceno rubro, Tenijs aureis per Suturas decurrentibus interstincto, ornata undequaque conspiciebatur. Alia quoq; Effigies Servum DEI Cælum ingredientem representans aptata erat ante Altare dicatum Cathedræ Sancti Petri, Cruce, & Candelabris argenteis auratis, alijsque pretiosis paramentis magnificè decoratum, aptatis paritèr, & elegantèr dispositis hinc indè alijs Candelabris ligneis aureo colore contextis, præstantique opere elaboratis, super quibus Candelæ, seu Cerei in magna copia ardebant. Ab utroque verò dicti Altaris latere apposita erant Sedilia, scilicèt à cornu Evangelij pro Eminentissimis, & Reverendissimis Dominis Cardinalibus Sacræ Rituum Congregationis, ac Illustrissimis, & Reverendissimis ejusdem Sacræ Congregationis Prælatis, & Consultoribus, à sinistra verò, seu cornu Epistolæ pro Eminentissimo, & Reverendissimo Domino Cardinali Archipresbytero, Illustrissimis, & Reverendissimis Dominis Archiepiscopis,

pīs, Episcopis, alijsquē Prælatīs, necnōn Canonicis ejusdem Basilicæ, & dicto Admodum Reverendo Domino Gvillmo Viellescases Congregationis Missionis Presbytero, & pro eadem Congregatione Causæ Postulatōre, pluresquē alij demissionum Scamnorum Ordines pro reliquo ejusdem Basilicæ Clero, sicuti à tergo Sedilium Eminentissimorum, & Reverendissimorum Dominorum Cardinalium aderat Sedile pro Reverendissimis Generalibus Religionum, nec deerant alia Scamna ad excipiendos Sacerdotes Sæculares, & Regulares, qui ex omni Familia, & Communitate plures interfuerunt, necnōn Nobiles, & Optimates ex Laicis, tūm Romanis, tūm Exteris; quæ Sedilia quoad maximam partem pretiosis Textilibus, pro Personarum assidentium Dignitate adaptatis, ad gradus usquē cooperta erant, & in medio plateæ circulo ante dictum Altare argentea Lampas mole, & structurâ magnificâ pendebat, suprâ quam plures alij Cerei, seū Candelæ consistebant, alijsquē Cerei, seū Candelæ, tām in Altari Confessionis nuncupato, ejusquē balaustro super argenteis, quàm in alijs Altaribus ejusdem Basilicæ super æneis Candelabris erant impositi, duo verò Musicorum magni Chori cum Organis non longē à dictis Scamnis, tām à cornu Evangelij, quàm à cornu Epistolæ erant erecti, assisitebatquē Custodia Militum Helueticorum ex Cohorte Pontificia ad Populi impetum coercendum instructa. Accensis igitur, & collucentibus dictis Cereis,

is, seu Candelis suprà recensita Candelabra, & Lampadem appositis, multisquè Nobilibus Viris in corona dictorum Militum Helueticorum permanentibus, & insolita Populi multitudine extrà dictorum Militum corona affluente, quò sibi lucraretur Cælestes Thesauros Indulgentiæ plenariæ ab eodem Sanctissimo concessæ, & per Edictorum affixionem publicatæ pro omnibus Confessis, Sacraquè Communione refectis, dictaquè Beatificationis Solemnitati interessentibus, seu dictam Basilicam eadem die devotè visitantibus, advenerunt infrascripti Eminentissimi, & Reverendissimi Domini Cardinales dictæ Sacræ Rituum Congregationis Præpositi, videlicet — Picus à Mirandula, Zonedarius, Origus, Polignac, Belluga, Cienfuegos, de Comitibus, Marefusus, Pipia, Lercari, Fini, Gotti, Porzia, Cibo, Oliverius, & Falconerius, ac Illustrissimi, & Reverendissimi Domini Prælati, & Consultores totam Sacram Rituum Congregationem repræsentantes, eisdemquè confidentibus in Sedilibus ipsis respectivè paratis, processionalitèr discessit è Sacrario dictæ Ecclesiæ, præcedenti Cruce, cum Acolytis, & universo Clero Basilicæ, Illustrissimus, & Reverendissimus Dominus Ioannes Franciscus de Nicolais Archiepiscopus Myren. Missam Solemnem celebraturus, Pluviali tunc albo indutus cum Mitra, inter duos Canonicos cum Dalmaticis, Diaconi & Subdiaconi Officium gerentes, subsequen-
tibus Eminentissimo, & Reverendissimo Domino An-
C2 niba.

nibale Cardinali Albano ejusdem Basilicæ Archipresbytero, & nonnullis Reverendissimis Archiepiscopis, & Episcopis: factaque ab omnibus adoratione, fufisque precibus, primò ad Altare Sanctissimi SACRAMENTI, indè ad Altare Sanctorum Apostolorum, omnes accesserunt ad locum, ut suprà paratum, prædictisq; omnibus sua loca tenentibus, assistentibus quoque duobus ejusdem Basilicæ Cæremoniarum Magistris, Illustrissimus, & Reverendissimus Dominus Nicolaus Maria Thedeschi Archiepiscopus Apamenus dictæ Sacræ Congregationis Secretarius, associatus ab altero ex dictis Cæremoniarum Magistris, accessit ad latus dicti Eminentissimi, & Reverendissimi Domini Pici à Mirandula, tanquam Cardinalis antiquioris, quoad præsentem (ob non interventum Eminentissimi, & Reverendissimi Domini Cardinalis Præfecti ab Vrbe absentis, & Eminentissimi, & Reverendissimi Pro-Præfecti Infirmi, & ob supervenientiam Eminentissimi, & Reverendissimi Domini Imperialis Cardinalis antiquioris quoad omnes alios, qui non nisi paulò post completam infra scriptam instantiam advenit,) eodem autem tempore coram dicto Eminentissimo, & Reverendissimo Domino Cardinali Pico à Mirandula, alijsque Eminentissimis, & Reverendissimis Dominis Cardinalibus ab altero Magistro Cæremoniarum deductus, præfatus admodum Reverendus Dominus Gvillelmus Viellescates Postulator, habens præ manibus literas Apostolicas prædictas in for-

ma Brevis, ut suprà expeditas, illasquè dictæ Sacræ
Congregationi debitâ reverentiâ originaliter præsentans,
& perorans, institit, ut sequitur -- Censuit hæc Sacra
Rituum Congregatio coram Sanctissimo Domino No-
stro BENEDICTO Papa Decimo Tertio constare de
Sanctitate Vitæ, ac de Virtutibus, tùm Theologicis,
tùm Cardinalibus in gradu heroico Venerabilis Servi
Dei VINCENTII à PAVLO Sacerdotis, & Fundatoris
Congregationis Missionis, necnon Societatis Puellarum
Charitatis. Censuit pariter constare de Miraculis, quæ
post ejus felicem obitum ad illius Intercessionem ope-
ratus est DEVS. Hoc gravissimo Sacræ Congregatio-
nis Iudicio permotus Sanctissimus Dominus Noster in-
dulsit, & benignè concessit per Breve datum die deci-
ma tertia hujus mensis Augusti, ut hic DEI Servus Be-
ati nomine nuncupari possit, ac de eo tanquam de
Confessore non Pontifice, tàm in hac Alma Vrbe,
quàm in Dioecesibus Aquensi, Parisiensi, & Lugdunensi
in Gallia, & in tota ubiquè Congregatione Missionis,
necnon in Ecclesijs, Capellis, & Oratorijs Societatis
Puellarum Charitatis Missam, & Officium recitare li-
ceat. De hoc, ut constet omnibus fidelibus, ego tan-
quàm hujus Causæ Postulator humiliter deprecor hanc
Sacram Congregationem, & nominatim Eminentiam
Vestram, ut jubeat debitæ mandari executioni Breve
Pontificium, quod mihi commissum fuit, atquè ideo
trado Eminentiae Vestrae more solito publicandum ad

Majorem DEI Gloriam, ejusquè Venerabilis Servi Decus sempiternum — Quâ Oratione, seu Instantiâ completâ, dicti Eminentissimi, & Reverendissimi Domini Sacræ Congregationis Cardinales, receptis pro ea per dictum Eminentissimum Dominum Cardinalem Picum à Mirandula, uti antiquiorem, quoad præsentis, dictis Literis Apostolicis, eisquè repertis illæis, & in nulla parte suspectis, illas admiserunt, & publicari, dictaque solemnia celebrari, & alia desuper necessaria, & opportuna ad earundem Literarum formam fieri, & exequi mandarunt; & per dictum Dominum Postulatorem, eâ, quâ par est reverentiâ debitis relatis gratijs, dictus Eminentissimus Dominus Cardinalis Picus à Mirandula, alijs annuentibus, consignavit dicto Reverendissimo Domino Secretario dictas Literas Apostolicas, ad effectum illas unâ cum præcedenti Instantia dicti Domini Postulatoris, omnibusquè ab Eminentia Sua, alijsquè Eminentissimis Dominis Cardinalibus dictæ Sacræ Congregationis, ut supra mandatis deferendi ad Eminentissimum Archipresbyterum è conspectu sedentem, prout illæ incontinenti delatæ fuerunt per ipsum Reverendissimum Secretarium ab altero ex Cæremoniæ Magistris, ut supra dictum est, necnon etiam à dicto Domino Postulatore associatum. Quas Literas Eminentissimus Archipresbyter debita cum reverentia recepit, & vidit, uniquè ex dictis Cæremoniæ Magistris dedit, mandavitquè per Mansionarium Archivum

stam dictæ Basilicæ, vel alium ab eo substituendum palam, & publicè perlegi, prout unus ex Capellanis Chori per dictum Archivistam ad hoc substitutus, parendo mandatis prædictis, ascenso suggestu retrò Sedilia dictorum Reverendissimorum Canonorum existente, easdem Literas Originales suis præ manibus receptas (porrecto tamen mihi Notario ibidem assistenti per dictum Dominum Postulatorem illarum transumpto, Sigillo Eminentissimi, Reverendissimi Domini Cardinalis de Marinis Præfecti ab Vrbe absentis munito, & per dictum Illustrissimum, & Reverendissimum Dominum Archiepiscopum Apamenum dictæ Sacræ Congregationis Secretarium subscripto, mequè illud præ manibus tenente, & auscultante) de verbo ad verbum, alta, intelligibili voce perlegit, & publicavit, & è suggestu descendens, retento pariter penès se simili transumpto, eidem Domino Postulatori adhuc præsentis, & recipienti easdem Literas Originales restituit, earumq; transumptum mihi, ut suprà traditum, præsentibus inferendum duxi, tenoris sequentis videlicèt -- Beatificatio Servi Dei VINCENTII à PAVLO, Congregationis Missionis, & Puellarum Charitatis Fundatoris -- BENEDICTVS Papa Decimus Tertius; ad perpetuam rei memoriam. Iustus ac misericors Dominus peculiarium quorundam Servorum, atquè Electorum suorum, quos à Constitutione Mundi in opus suum prædestinatos multiformis gratiæ suæ Charismatibus instruxit,

San.

Sanctitatem interdum signis, atque portentis testatam
facit in terris, ut illis, quos perennis gloriæ coronâ
donat in Cælis, debitæ quoque venerationis cultus à
Fidelibus impendatur. Inter quos &c. N. M. Tede-
fchi Archiepiscopus Apamensis Sacræ Rituum Congre-
gationis Secretarius --- Absoluta lectione prædicta,
Reverendissimus Archiepiscopus celebrans, deposita
Mitrâ, inchoavit Canticum -- *Te DEVM Laudamus*,
reliqua prosequentibus Musicorum Choris, & in ipso
Cantici initio, amoris velis sericis, quibus dicti Vene-
rabilis Servi DEI Imagines, ubi suprâ, respectivè exi-
stentes, coopertæ fuerant, idem Celebrans, & Cano-
nici, Diaconus, & Subdiaconus, alterque Canonicus
assistent Pluviali pariter indutus, alijque Ministri ei
assistentes, Eminentissimi, & Reverendissimi Domini
Cardinales, Illustrissimi Domini Prælati, & Reveren-
dissimi Consultores, dictæ Sacrorum Rituum Congre-
gationis, Eminentissimus Dominus Cardinalis Archi-
presbyter, Reverendissimi Canonici, & reliqui de Cle-
ro, ceterique Reverendissimi Archiepiscopi, Episcopi,
& Nobiles Viri, & cuncta Populi multitudo, genibus
flexis, Imaginem prædictam suprâ dictum Altare collo-
catam devotissimè venerati sunt, & statim ad clangore
Tubarum intus & extra Basilicam personantium
plurium Tormentorum Bellicorum extrâ eandem Basi-
licam paratorum Frigor auditus fuit. Finitoque Can-
tico, & per Diaconum Evangelij prolato Versiculo --

Ora

Ora pro Nobis Beate VINCENTI --- habitaquè Chori responsione ----- *ut digni efficiamur promissionibus CHRISTI*, necnon per ipsum Archiepiscopum Celebrantem recitata Oratione propria de dicto Beato à Sanctissimo approbata, idem Archiepiscopus Celebrans cum dictis Assistentibus, Pontificalibus ad Sacrificium indutus Missam: *Iustus ut palma florebit* de Confessore non Pontifice cum dicta Oratione propria & Evangelio de Comuni Evangelistarum, sic Ordinante Sanctissimo Domino Nostro, solemniter celebravit, personantibus Organis, alijsquè Musicis Instrumentis, & Cantoribus decantantibus, clangentibus identidem in sine Ecclesiæ, ac extrà eam Tubis, & pro dicto Domino Postulatore nonnullis dictæ Congregationis Reverendis Sacerdotibus ab initio Imagines Beati impressas, alias in Serico aureis virgulis circumdatas, & alias in papyro unà cum liberculo Compendij Vitæ dicti Beati, ejusquè Oratione, & transumpto impresso dictarum Literarum Apostolicarum cuilibet adstantibus Eminentissimis Dominis Cardinalibus, & Archiepiscopis, Episcopis, Canonicis, Consultoribus, & alijs de Clero distribuentibus; Et ita solemnia Beatificationis d. jam Venerabilis Servi DEI nunc Beati VINCENTII à PAVLO in Basilica Principis Apostolorum de Vrbe celebrata sunt, non solùm &c. sed omni &c. super quibus omnibus, & singulis præmissis petatum fuit à me Notario infra scripto, ut unum, vel plura, publi-

D

cum,


cum, seu publica, Instrumentum, & Instrumenta conficerem, atque traderem, quatenus opus sit, & requisitus ero. Actum in supradicta Basilica presentibus ibidem Dominis Antonio Vandoludò filio Francisci, & Iosepho Berti filio quondam Laurentij, Ambobus Romanis, Testibus ad praemissa omnia vocatis, habitis specialiter atque rogatis.

Ego Cosmus Antonius de Bernardinis Publicus Apostolica Autoritate Notarius, & in Archivio Romanae Curiae descriptus, & Sacrorum Rituum Congregationis Notarius, Cancellarius, & Archivista de praemissis rogatus, subscripsi, publicavi, meoque solito signavi requisitus in fidem &c.





con-
equi-
tibus
, &
Ro-
abit


blicus
bivio
um
Archi
, me



ein
das
in
och
Zuo
den
lein
stbe
den.
ren
ieses
reuf
und
wi
mit
Au
echt
u we
Daz
Gau
Sol
Welt
zum
fern
und
hren
er ih
amen
en







S. VIII, 31



960086 Bibliotheca 4,500,-
P.P. Camaldulensium in Bielany

Depozyt w Bibliotece Jagiellońskiej



00405

